

# INUIT ATAQATIGIIT

## INATSISARTUNI



Nuuk, 17. januar 2014

Inatsisartut Suleriaasianni § 37 naapertorlugu Naalakkersuisunut imaattunik apeqquteqarpunga.

(Inatsisartuni ilaasortaq Naaja H. Nathanielsen, Inuit Ataqatigiit)

### Apeqqutit:

1.

Uppernarsarneqarsinnaava ukiup nikinnerani qaleralittassiissutinik 3600 tonsinik qaffaaneq umiatsiaararsortunuinnaq atuuttussatut naatsorsuutigineqartoq?

2.

Mianersortumik naatsorsuinerit aallaavigissagaanni taamatut qaleralittassiissutinik qaffaaneq aalisartunut qanoq naleqartigiva?

3.

Ataatsimut pisassarititat arlaanni millileriffigineqassagalarpata tamanna angallatinut seks meterit sinnerlugit takissuseqartunut aamma umiatsiaararsortunut, imaluunniit arlaannaanut, Naalakkersuisut tutsinnialersarpaat?

4.

Sinerissap qanittuani qaleralinniarneq pillugu Namminersorlutik Oqartussat nalunaa-rutaat nr. 2, 2. februar 2012-meersoq<sup>1</sup> naapertorlugu uumassusilerinikkut siunnersuineq tunngavigalugu ukiumoortumik qaleralittarineqarsinnaasutut pisassiissutit aalajangersarneqartartussaapput. Uumassusilerinikkut siunnersuineq tunngavigalugu 2014-imut pisassarititanik qaffaaneq ingerlanneqarpa, taamaasillunilu nalunaarummut naapertuuttuulluni?

Apeqqutit siulliat angerlugu akineqassappat apeqqutit tulliat ilanngullugu akineqaqqussavara.

5.

Sinerissap qanittuani qaleralittarineqarsinnaasutut pisassiissutit angallatinut seks meterit sinnerlugit takissuseqartunut umiatsiaararsortunullu aallaqqaataanit pisumik agguataarinninneq siusinnerusukkut aalisarnermi pissusiusimasunik tunngaveqarpoq. Angallatit seks meterit sinnerlugit takissuseqartut innuttaasalu pisassarititanik qaffaanermut ilangiisussaataaanninnerat naalakkersuinerinikkut tunngavilersuutinik isumaliutinillu sunik patsiseqarpa?

### Tunngavilersuut

Paaserusuppara ilumut imaannersoq, imaluunniit ilumut taamaannginnersoq, umiatsiaararsortut kisimik qaleralittarineqarsinnaasutut pisassiissutinik qaffaanermut ilangiisussaataasut. Tamanna ilumuussappat itisileqqussavara sooq angallatit seks meterit sinnerlugit takissuseqartut katillugit 130 missaaniittut qaffaanermut ilangiisussaataasimanninnerut.

---

<sup>1</sup> § 5, imm. 1

Kissaatigaara apequteqaatigisakka tamarmik ullut suliffiusut qulit iluini akineqareer-simassasut.